

史學輯佚文獻彙編

翟金明 主編

國家圖書館出版社

38

魯世家索隱
二諸侯年表引同
名軌左桓元年正義

穀梁疏

史學輯佚文獻彙編

38

論世
明堂

世本
明堂
正義
公翟

第三十八冊目錄

別史類(三十八)

王隱晉書一卷(二)	(晉)王隱撰	(清)黃奭輯	一
王隱晉書地道記一卷	(晉)王隱撰	(清)黃奭輯	一一七
王隱晉書十一卷(卷一—七)	(晉)王隱撰	(清)湯球輯	二一三
卷一			二二九
卷二			二八五
卷三			三〇三
卷四			三一三
卷五			三八七
卷六			
卷七			

傅東宮 三國志薛綜傳注

劉隗

司直劉隗奏曰懷情抱恨雖沒不忘故有損

霜之應夜哭之鬼

文選王元長永明九年策秀才文注

劉隗補丹陽尹雖在外而萬機秘密皆預聞之御覽二百五十一

淳于伯

愍帝建興四年丞相府督軍令史淳于伯刑於建康市百姓誼譁咸曰伯冤於是大旱三

年 御覽八百七十九

刁逵

刁逵字伯道弟暢字仲遠次弘字叔仁冬歷
州刺史兄弟子姪並不治名行競修貨殖有
田萬頃奴婢數千人義旗初建弘將謀起兵
宋王遣劉毅誅之刁氏既富奴客縱橫上山
固澤爲京口之蠹宋既誅暢散其穀帛金錢
牛羊令民稱力取之彌日不盡時天下飢餓
編戶菜蔬及刁氏之破百姓充足

御覽四百
七十一

應詹

應詹字思遠汝南南頓人璩曾孫也爲人弘
長有經度飾之以文才司徒何充嘆曰所謂
文質之士累遷江州刺史鎮南將軍世說仇
陳篇注
應詹遷南平太守天門武陵並反其州郡奔
敗唯詹獨保一郡外禦戎狄內卹百姓書鈔
七十
五

應詹爲南平太守天下分崩征鎮州郡征字
疑誤
已失城邑詹獨保境外攘狂狡內除塗炭甚

便百姓之情郡人歌曰亂離既晉殆爲灰朽

僥倖之運賴茲應后潤同江海恩猶父母御覽

二百六十一又四百六十五引應詹爲南平

郡郡人歌之曰亂離既著殆爲灰朽僥倖之

運賴茲應后蔭我塗炭惠隆邱阜潤同江海

恩猶父母文選劉孝標辨命論注引應詹

爲太守人歌之曰威若風霜恩如父母

王敦將作逆明帝問應詹曰如何詹曰陛下

宜奮赫赫之威臣等當負戈從戎不顧族命

之禍以順討逆卽以詹爲護軍將軍同心滅

敦初學記十七御覽二百二十九引明帝問下無應詹二字如何作何如詹曰作德

詹厲然慷慨答詔曰赫赫作赫斯從戎下無
不顧族命之禍六字討逆下有誠社稷之計
也六字

時王敦作逆明帝問詹計將安出詹厲然慷
慨曰陛下宜奮赫斯之威臣等當得負戈前
驅庶憑宗廟之靈有征無戰如其不然王室
必危帝以詹爲都督前鋒事護軍將軍以滅
敦也書鈔六十四陳補

甘卓

甘卓爲相州刺史書鈔三十五

甘卓爲揚威將軍歷陽內史郡人陳訓私語人曰甘公頭低視仰目中有赤脉當危於兵勿與將可也果爲王敦所害

御覽三百六十六

甘卓家金匱鳴聲以槌鏡清而悲師言金匱將離是以悲鳴尋而卓下將軍周慮等承望敦意害卓

御覽七百十三

卞壺

壺及二子死徵士翟湯聞而嘆曰父爲忠臣子爲孝子忠孝之道萃於一門可謂賢哉

文選

任彥昇爲卜彬修忠貞墓啟注

鍾雅

太祖永昌元年以鍾雅爲北軍中候五年省
併領軍 御覽二百四十

熊遠

熊遠字孝文遷御史中丞中宗每嘆其公忠
謂遠曰卿在朝正色不苟柔吐剛忠亮至勁
可謂王臣 初學記十二

陳頤

陳頤爲郡督郵檢獲隱匿者三千人爲一州
尤最太守劉享拔爲主簿州辟部從事乘馬
車還家宗黨榮之

書鈔七十七陳補

郭璞

郭璞字景純河東聞喜人父瑗建平太守

世說

文學篇注

璞消災轉禍扶厄擇勝時人咸言京營不可
及

世說術解篇注

郭璞遷尚書郎數言便宜多所匡益

書鈔六
十陳補

庾冰

庾冰爲中書監揚州刺史乃心夙夜情存治
道賓禮朝賢升擢後進由是朝野注心咸曰
賢相

藝文五十

庾翼

庾翼都督江荆益三州刺史制度規模每出
於人數年之中軍國充實人情翕然稱其才
明由是自河以南皆懷歸附

藝文五十

庾翼表曰襄陽北去河洛不盈千里

文選沈休文齊

王隱晉書
故安陸昭王碑注

諸葛左

左字茂遠琅邪人魏雍州刺史緒之子有逸才仕至司空主簿

世說文學篇注

顧悅之

顧悅之與簡文帝同年而髮早白上問故對曰松柏之姿經霜猶茂蒲柳之質望風先凋御覽三百七十三

顧愷之

顧愷之拜散騎常侍表云不悟陛下聖恩有加登之常伯之列飾以貂璫之暉

書鈔五十八又引顧

愷之拜員外散騎常侍登之常伯

孔坦

坦方直而有雅量

世說方正篇注

孔坦字君平會稽山陰人善春秋有文辯歷

太子舍人累遷廷尉卿

世說言語篇注

蘇峻事平陶侃欲將坦上用爲豫章太守坦辭母老不行臺以爲吳郡郡多名族而坦年

少乃授吳興內史

世說方正篇注

孔坦上表曰士死知遇恩令命輕

女選顏延年拜陵廟

作詩注

孔坦大作粥置門外呼飢人食之謂是嗟來
皆無往食者

書鈔一百四十四

謝安

謝安義在輔導雖會稽王道子亦賴粥諧之
益時彊敵寇境邊書績至梁益不守樊鄧陷
沒安每鎮以和靖御以長算德政既行文武

用命不存小察弘以大綱威懷外蕃人皆比
之王導而文雅過之

御覽四百四十五

王羲之

王羲之幼有風操郗虞聞王氏諸子皆俊令
使選壻諸子皆飾容以待客羲之獨坦腹東
牀嚼胡餅神色自若使具以告虞卿曰此真
吾子壻也問爲誰果是逸少乃妻之

御覽八百六十一

王羲之初渡江會稽有佳山水名士多居之
與孫綽許詢謝尚支遁等宴集於山陰之蘭

亭 御覽一百九十四

王遜

王遜爲上洛太守私牛馬在郡生駒犢者秩
滿悉以付官云是郡中所產也

書鈔七十五

桓伊

武帝賜桓伊錢百萬袍裏千端

御覽六百九十三案武帝

謂孝武帝

朱伺

朱伺字仲文少爲牙門將陶丹給使吳平內